



DEO OPTIMO MAX. UNI ET TRINO,

VIRGINI DEIPARÆ, ET S. LUCÆ
Orthodoxorum Medicorum Patrono.

QUÆSTIO MEDICA.

*QUOD LIBETARIIS DISPUTATIONIBUS,
manè discutienda, in Scholis Medicorum, die Martis trigesimâ primâ
mensis Decembris, anno Domini M. DCC. XLIII.*

M. GABRIELE-ANTONIO JACQUES,
Doctore Medico, Præsîde.

An Mulieres pluribus obnoxia morbis, quàm Viri?

I.



U M A N A gens, etsi ratione superior cæteris animan-
tibus, inferior tamen aliundè est, gravioribus jactata mal-
lis. Homini coævam ne putes causam tantæ calamitatis.
Mortalium primus in lucem prodierat integer vitæ mor-
bique purus; at suo vix recens à Conditore ruit per ve-
titum nefas, divinæ Legis immemor; hinc ab origine degener, tra-

A

2

ditus morbis ac letho fuit, rebellionis suæ pœnas daturus; & (quod deplorandum magis) hæc unius Viri culpa Posteris omnes facit etiam nunc reos læsæ Divinitatis: Indè Hominum quisque tam multis adhuc plectitur ægreditudinibus, corporis, animi.

I I.

MULIER humanitatis pars altera, labis & antiquæ conscia; nunquid, ut Viro nocentior, sic & plures ad morbos damnata? Suos & alienos nonne patitur manes, cum virilia quæ contrahit mala, fœmineis addit vitiis longè deterioribus? Procreat hæc vitia muliebre corpus ex debilioribus organis fortè coagmentatum; alit & uterina colluvies, dum suppressæ Mensium vel Lochiorum fœces in principum viscerum lares sæpius importantur; undè tot affectus *σπασμοδες*, tot strangulatus, viris ignoti, fœminis familiares. Quin & illæ mulierum sordes, si diutius in utero retentæ computruerint, hospiti suo quot infligunt ictus & plagas insanabiles! eâ quoque de causâ, Mulieres non paucas exhauriunt fluores albi, virulenti; rodunt alias ulcera, *καρκινώματα*, quæ Mares haud attingunt.

I I I.

QUAM variis insuper empta doloribus, quæ fœminæ graviditatem præcurrit, levis aura voluptatis; animi defectio, nausea, vomitio, nùm prima sunt fœtæ conjugis indicia? Reliquo gestationis tempore, *δυσπνοια* stupore, *κεφαλαία* propè funeras urget adhuc Mulieres instantis labor puerperii, vel abortûs periculosioris: Extant & proles avidæ, quæ, dum prægnantis uteri pompâ gloriantur, molam parturiunt exuberantis fœturam sanguinis, repetitâ vatorum depletione præcavendam: Porro, fœcundi latices, quos ad infantis lactationem mammæ congerunt, si vitium ceperint, fœminis quid non portendunt mali? Planè, si qua virorum propria, mulieribus olim pepercerat ægritudo, nunc in eas sævit vehementius, non mutatâ sexûs naturâ, sed vitâ, quæ nostrates fœminas degeneres arguit à veterum temperantiâ: Quoties his illæ temporibus suâ de sanitate parùm sollicitæ, per solidos dies totæ sunt in talis & aleâ, vel nocturnis succumbunt comestationibus, quas impunè ferunt Viri Fœminis valentiores.

IR A demùm, mæror, ambitio, vindicta, desperatio, rariores aut leviores in viris, fragilem sexum cur frequentius, cur pluribus excruciant modis? Inconstantia pariter, quæ paucos cadit in Viros, omnium ferè Mulierum comes est & socia. An ea propter tot hodiè Conjuges, Aulicæ, Plebeïæ, divortium meditantur, quæ nuper ambiebant innuptæ matrimonium? Suspicias è contrà tenaces Connubii Viros, suæque sorte contentos. Amor ipse, quem vituperare Sexui facilius est, quàm vitare, si patitur Viris, quid non muliebria pectora cogit! E millibus unum furere vix audias amantem: è Mulieribus, quot bacchantur Veneris æstro percitæ! Rumpunt interdum vincula vel durissima, tollunt & onera, quibus sint impares Athletarum lacerti. Quamplures videas, quæ decipiunt ingeniosè, quæ flent, rident, miscent & seria joci: aliæ (si populo fides) peregrinas effutiunt ignotæ sibi linguæ voculas. Est ubi ferè jacent inanima, sine pulsu, voce, spiritu. Est ubi concutiuntur effrenatè, mox & horrendos jactant ululatus. In Viduis, in Virginibus, adeò stupendas corporis & animi commotiones, ad *saluvas* si retuleris, te latet insana quid Fœmina possit. Hæc portenta suscitatur uterus, cui si denegaveris quod sitienter appetit, novas ille faces accendit in præcordiis, turbat & loca quæ frequentat animus. Intereà quàm brevi concidunt Sexûs imbellis vires, dùm naturæ modum superare videntur: quàm fugax pulchritudinis ornamentum, quo superbiunt Mulieres, si tot illæ morbis, dilapsâ velut in cineres facie, miserè deformantur! Eas utroque sexu potentes ne credideris; vanum hoc & insolens virilitatis simulacrum morbus est Fœminis peculiaris. Reperias alibi nonnullas hæmorrhoidibus, pleuritide, simul & menstruo fluxu cruentatas: his discas ab ægrotantibus, fœmineum sanguinem purgatione menstruâ non omnino defecari. Visæ quoque sunt in ætatulâ primâ puellulæ, quibus ab ipso matris ubere pendentibus ros quidam cruentus, statotempore, stillavit ab utero: An luculento futuræ sterilitatis argumento? Fuerunt & adultæ Virgines, quibus per os, aures, oculos, papillas, digitos, uno quoque mense sanguis erumperet; quasi non expurgatus per loca muliebria, superis in partibus identidem luxuriaret, ibi vasa disrupturus. His ab affectibus si fuerint immunes Viri, si minis multis quàm fœminæ aliis urgeantur vitiis, quis dubitat uter sexus sit infirmior?

NE quæras igitur à Muliere, quâ valeat, sed ubi doleat, eoque magis quod feminei corporis compages undique laxa est, mollis, & in vitium flecti cerea: secus in virili corpore, stat firma partium conjunctio, quas morbi vis haud faciliè ferit. Quid quòd, eadem si mali labes Virum simul & Fœminam semel invaserit, hæc tardius, ille citius ut plurimum convalescit? Dispar hic exitus, aut à naturâ quæ vegetior in Maribus, aut ab arte Medicâ, cui plures confidunt Viri, quàm Fœminæ. Reverâ, quot agræ non ita pridem Mulierculæ, spre- tis fastidiosè remediis, interiêre. Cæterùm, si sanitatis vindex exer- citatio, si morbus otiosorum hominum commune stipendium est, ra- riùs ægrotabunt Viri, qui frequentius exercentur: navigant, venan- tur, equitant æstare, hyeme, sustinent & belli, vel togæ labores: sic effectricem morborum causam fugiunt ignaviam. Quàm diversa Mu- lierum conditio! quæ tot salubria non dividunt cum Viris exercitia, sed in umbrâ parietum torpescientes, eam sæpè colligunt humorum redundantium copiam, quæ vel exasperat ingenita Sexuû mala, vel nova parit, vix ullis in posterum medicamentis eradenda.

Ergo Mulieres pluribus obnoxia morbis, quàm Viri,

DOMINI DOCTORES DISPUTATURI.

M. Tassanus-Gilbertus Boulland,
Consiliarius, Medicus Regis
Ordinarius in ejus Castellæto.

M. Jacobus-Albertus Hazon.

M. Antonius Pepin, Regis Con-
siliarius, & in Portu Brestens
Medicus Primarius.

M. Gaspardus Cochon du Puy,
Consiliarius, Medicus Regis
Ordinarius, in Arce Maritimâ
Rupisfortensi, Anatomæ &
Chirurgiæ Professor Regius.

M. Claudius-Carolus de Jean.

M. Joannes Herment, Medicus
Regis Ordinarius.

M. Jacobus-Franciscus Vander-
monde.

M. Franciscus-Felicitas Cochou,
Scholarum Professor.

M. Raymundus-Jacob Finot,
Academiæ Censor.

Proponebat Parisiis, JOANNES LE THIEULLIER, Parisiensis,
Saluberrimæ Facultatis in Universitate Parisiensi Baccalaureus, A. R. S. H.
1743. à sextâ ad meridiem.

Typis QUILLAU, Universitatis & Facultatis Medicinæ Parisiensis
Typographi, 1743.